



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXXXVIII. ad annum MCCCCXL.

Parisiis, 1644

XXII. De vsuris & vsurariorum poenis & praeemptionibus.

urn:nbn:de:hbz:466:1-15490

ANNO
CHRISTI
1440.

XXII.

Vsurarum voraginem detestantes, inhibemus omnibus Christi fidelibus nostræ diocesis, tam clericis quam laicis, ne pecunias ad vsuras mutuent, aut in impignorationibus vltra sortem aliquid ex pacto recipiant, nec emptiones detestabiles faciant, aut alios quoslibet actus vsurarios exercent. Quod si quis contra fecerit, vltra pœnas iuris communis & Concilii prouincialis Saltzburgensis, subiaceat solutioni decem libras denariorum vsualium irremissibiliter soluendorum ad fabricam ecclesiæ, aut in vsus pauperum, iuxta nostrum aut iudicantis nostri nomine arbitrium, conuertendos. Inhibemus insuper sub excommunicationis pœna vniuersis prælatis, decanis, plebanis, & ceteris quibuscumque religiosi & sæcularibus, ne aliquem dictis criminibus manifeste reum, satisfactione non præmissa, ad quam tamen eosdem induci volumus, modis possibilibus ecclesiasticæ tradant sepulturæ.

XXIII.

Volumus & mandamus statutum diuæ memoriæ Guidonis legati de latere per nostram diocesim promulgari & publicari: quo cauetur, quod quicumque personam ecclesiasticam vulnerauerit enormiter, captiuauerit vel occiderit, ipso facto ea quæ ab ecclesia, nomine feudi, iure censuali, vel in emphyteusin, aut alias quocumque nomine tenuit, perdat penitus & amittat, in vtilitatem ecclesiæ conuertenda. Adiicimus quoque, quod in illa parochia, in qua canonicum ecclesiæ cathe-

Concil. Tom. 33.

XXXX ij